



**Broj predmeta:** 13-000595/21  
**Broj akta:** 01.1-1413EK-0019/21  
**Datum,** 19.5.2021. godine  
**Mjesto,** Brčko

Na osnovu člana 17. stav (2) Zakona o Vladi Brčko distrikta BiH («Službeni glasnik Brčko distrikta BiH», brojevi: 22/18 - prečišćeni tekst, 49/18, 08/19, 10/19 i 32/19), u skladu s članom 25. a u vezi sa članom 32. stav (1) Zakona o javnim nabavkama («Službeni glasnik BiH», broj 39/14), Zapisnika o pregledu i ocjeni ponuda sa preporukom Komisije za javne nabavke broj: 13-000595/21 od 10.5.2021. godine i Mišljenja Pravobranilaštva Brčko distrikta BiH broj: M-532/21 od 19.5.2021. godine, gradonačelnik Brčko distrikta BiH d o n o s i,

## **ODLUKU O IZBORU NAJPOVOLJNIJIH PONUĐAČA**

### **Član 1.**

(1) U provedenom otvorenom postupku za nabavku bankarskih usluga otvaranja i vođenja računa u sistemu jedinstvenog računa Trezora Brčko distrikta BiH – 3 lota za potrebe Direkcije za finansije Brčko distrikta BiH, izabrani su najpovoljniji ponuđači kojima se dodjeljuje okvirni sporazum za period u trajanju od četiri godine od dana zaključivanja okvirnog sporazuma.

a) Naziv najpovoljnijeg ponuđača za Lot 1 je „NOVA BANKA“ a.d. Banja Luka.

**Lot 1 - Otvaranje i vođenje Računa za zaštitu i investiranje sredstava Brčko distrikta BiH**  
Vrijednost okvirnog sporazuma bez uračunatog PDV-a iznosi **3.650,00 KM.**

b) Naziv najpovoljnijeg ponuđača za Lot 2 je „SBERBANK BH“ d.d. Sarajevo.

**Lot 2 - Otvaranje i vođenje Transakacionog računa za obavljanje unutarnjeg i inozemnog platnog prometa na godišnjem nivou do 160.000.000,00 KM**  
Vrijednost okvirnog sporazuma bez uračunatog PDV-a iznosi **46.910,00 KM.**

c) Naziv najpovoljnijeg ponuđača za Lot 3 je „UNICREDIT BANK“ d.d. Mostar.

**Lot 3 - Otvaranje i vođenje Transakacionog računa za obavljanje unutarnjeg i inozemnog platnog prometa na godišnjem nivou do 130.000.000,00 KM**  
Vrijednost okvirnog sporazuma bez uračunatog PDV-a iznosi **45.000,00 KM.**

### **Član 2.**

Postupak je proveden na osnovu Posebne odluke o pokretanju postupka javne nabavke broj: 13-000595/21 od 24.2.2021. godine, Obavještenja o nabavci na portalu javnih nabavki broj: 1157-1-2-113-3-170/21 od 15.3.2021. godine, ispravke Obavještenja o nabavci na portalu javnih nabavki broj: 1157-1-2-113-8-180/21 od 18.3.2021. godine, specifikacije usluga u vezi sa Tenderskom dokumentacijom broj: 13-000595/21 i ponuda najpovoljnijih ponuđača.

### Član 3.

Finansiranje navedene nabavke će se izvršiti za 2021. godinu iz budžeta za 2021. godinu, a za 2022. 2023. 2024 i 2025. godinu na osnovu odluka o privremenom finansiranju odjeljenja Vlade i institucija Brčko distrikta BiH i usvojenog budžeta za 2022. 2023. 2024. i 2025. godinu, organizacioni kod 16030001, ekonomski kod 613800-bankarske usluge i usluge platnog prometa.

### Član 4.

Ova odluka stupa na snagu danom donošenja.

### Obrazloženje

Komisija za nabavke je nakon izvršenog otvaranja ponuda konstatovala da je dostavljeno pet ponuda, ponuđača: "Sberbank BH" d.d. Sarajevo, "Nova Banka" a.d. Banja Luka, "Unicredit Bank" d.d. Mostar, "Bosna Bank International" d.d. Sarajevo i "Privredna Banka Sarajevo" d.d. Sarajevo. Sastavni dio odluke čini zapisnik sa otvaranja ponuda, zapisnik o izvršenoj analizi dostavljenih ponuda i izvještaj o toku i završetku e - aukcije. Komisija je izvršila analizu dostavljenih ponuda u pogledu prihvatljivosti prema obliku, sadržaju i potpunosti, te u pogledu načina pripreme i dostave ponuda i ustanovila da su ponude prihvatljive. Ponuđači su ocijenjeni kvalifikovanim i ponude prihvatljivim. Ustanovljeno je da nisu postojale računске greške u ponudama ponuđača. Utvrđeno je postojanje neprirodno niske cijene ponude kod ponuđača „Nova Banka“ a.d. Banja Luka koja je dostavila pojašnjenje koje je i prihvaćeno. U tački 2.2. tenderske dokumentacije definisano je da ponuđač može dobiti okvirni sporazum samo za jedan lot. Dodjela lotova će se vršiti se prema redoslijedu lotova i redoslijedu najbolje rangiranih ponuđača. Lotovi će se dodjeljivati redom, od lota 1 pa nadalje. Okvirni sporazum za lot 1 će se dodijeliti ponuđaču koji bude imao najnižu ukupnu cijenu ponude u skladu sa kriterijem definisanim u tenderskoj dokumentaciji. Banka kojoj se dodijeli okvirni sporazum za Lot 1 ne učestvuje u rangiranju ponuđača za lotove 2 i 3. Okvirni sporazum za Lot 2 će se dodijeliti ponuđaču koji bude imao najnižu ukupnu cijenu ponude u skladu sa kriterijem definisanim u tenderskoj dokumentaciji. Banka kojoj se dodijeli okvirni sporazuma za Lot 2 ne učestvuje u rangiranju ponuđača za lot 3. Okvirni sporazum za Lot 3 će se dodijeliti ponuđaču koji bude imao najnižu ukupnu cijenu ponude u skladu sa kriterijem definisanim u tenderskoj dokumentaciji. Izvršena je – aukcija za lotove 1 i 2 i s obzirom na prethodno navedeno, ostao je samo jedan ponuđač za lot 3 tako da e - aukcija za navedeni lot nije ni održana. Komisija je ustanovila da su iznosi najpovoljnijih ponuda na sva tri lota u okviru procijenjene vrijednosti nabavke. Komisija za nabavke je u skladu sa kriterijem najniže cijene dostavila preporuku o izboru najpovoljnijih ponuđača.

#### POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove, Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

#### DOSTAVLJENO:

1. Pododjeljenju za javne nabavke,
2. Ponuđačima,
3. Direkciji za finansije,
4. Gradonačelniku,
5. Zamjeniku gradonačelnika,
6. «Službenom glasniku Brčko distrikta BiH»,
7. Arhivi.

